

Mensahe 11

Mga Magbalantay nga uyon sa Kasingkasing sa Dios

Basahong Kasulatan: Jer. 2:8; 3:15; 10:21; 23:1-4;
Isa. 40:11; Ezeq. 34:11-31; Juan 10:11; Heb. 13:20-21;
1 Ped. 2:25; 5:2, 4; Bug. 7:16-17

- I. Namulong si Jehova pinaagi ni Jeremias nga propeta kalabot sa mga magbalantay, sa mga magbubuot—Jer. 2:8; 10:21:**
- A. Nakasala ni Jehova ang mga magbalantay, ang mga magbubuot; wala sila magtinguha ni Jehova, ug nagkatibulaag ang ilang panon—2:8; 10:21.
 - B. Gilaglag ug gipatibulaag sa mga magbalantay ang mga karnero sa sibsibanan ni Jehova—23:1-2.
 - C. Nisaad si Jehova nga tigomon Niya ang salin sa Iyang panon ug dad-on silag balik sa ilang sibsibanan ug nga magpabangon Siyag mga magbalantay nila nga mangatiman nila, ug magmabungahon ug modaghan sila—vv. 3-4.
 - D. Nisaad si Jehova nga hatagan ang Israel og mga magbalantay nga uyon sa kaugalingon Niyang kasingkasing; hatagan nianang mga magbalantaya ang katawhan sa Dios og hustong kahibalo ug pagpanabot sa Dios—3:15.
- II. Ang Daang Tugon ug ang Bag-ong Tugon pulos nagpadayag ni Cristo nga Magbalantay nga uyon sa kasingkasing sa Dios—Isa. 40:11; Ezeq. 34:11-31; Juan 10:11; Heb. 13:20-21; 1 Ped. 2:25; 5:4; Bug. 7:16-17:**
- A. Isip Makagagahom, ang nagbuot ug naghukom, nianhi si Cristo aron mahimong Magbalantay; giatiman Niya ang Iyang panon sa pagbuot ug pagtul-id Niya sa Iyang mga karnero ug sa pagpakaon sa Iyang panon, gitigom ang mga nating karnero sa Iyang bukton, gikugos sila sa Iyang dughan, ug gigiyahan ang mga nagpasuso sa ilang mga nati—Isa. 40:10-11; Mat. 2:6; 9:36.
 - B. Gipanagna sa Ezequiel 34:11-31 nga moanhi ang Ginoo mismo ingon nga Magbalantay aron mosusi sa Iyang mga karnero ug mangita pag-ayo nila:
 - 1. Isip Magbalantay, tigomon sa Ginoo ang Iyang katawhan, ang Iyang mga karnero, gikan sa kanasoran ug dad-on silag balik sa yuta sa Canaan, nga naghulagway sa malangkobon-sa-tanan nga Cristo isip pahat nga giapod-apod sa katawhan sa Dios aron mopuyo sa habog nga kabukiran, nga nagtimaan sa nabanhaw ug nikayab nga Cristo—vv. 11, 14.
 - 2. Inig-anhi ni Ginoong Jesus ingon nga Magbalantay nga mangatiman nato, moanhi sab Siya ingon nga Hari nga modumala nato; ang sangpotanan sa pagatiman sa Ginoo kanato nga atong Magbalantay mao nga mosugot ta Niya nga atong Hari ug mailalom ta sa Iyang paghari ug sa Iyang trono nga naa sa sulod nato—vv. 23-24.
 - C. Si Cristo ang maayong Magbalantay, ang dakong Magbalantay, ang Pangulong Magbalantay, ug ang Magbalantay sa atong mga kalag—Juan 10:9-17; Heb. 13:20-21; 1 Ped. 5:4; 2:25:
 - 1. Isip maayong Magbalantay, nianhi si Ginoong Jesus aron makabaton tag kina-buhi ug makabaton niini sa madagayaon gyod—Juan 10:10-11:

Mensahe 11 (sumpay)

- a. Gitugyan Niya ang Iyang kinabuhi-sa-kalag, ang Iyang tawhanong kinabuhi, aron maghuman sa katubsanan alang sa Iyang mga karnero aron makaambit sila sa Iyang zoe nga kinabuhi, sa Iyang diosnong kinabuhi—vv. 11, 15, 17.
- b. Gipagula Niya sa toril ang Iyang mga karnero ug gidala ngadto Niya mismo nga sibsibanan, sa dapit nga kan-anan, nga niini gawasnon silang makakaon Niya ug matil-ogan Niya—v. 9.
- c. Giporma sa Ginoo nga usa ka panon (ang iglesia, nga Lawas ni Cristo) ang mga Judio ug mga Gentil nga magtutuo diha sa Iyang pagpangatiman—v. 16.
2. Gipabangon sa Dios gikan sa mga minatay ang “atong Ginoong Jesus, ang dakong Magbalantay sa mga karnero, diha sa dugo sa walay kataposang pakigsaad”—Heb. 13:20:
 - a. Ang walay kataposang pakigsaad mao ang pakigsaad sa bag-ong tugon nga makabaton og panon, nga mao ang iglesia nga mosangpot sa Lawas ni Cristo ug mahingpit sa Bag-ong Jerusalem.
 - b. Isip dakong Magbalantay, gipatinuod sa Ginoo kanato ang mga sulod sa bag-ong pakigsaad ug gidala ta nga makasinati ug makapahimulos sa tanang positibong butang nga gipadayag sa basahon sa Mga Hebreohanon—8:8-13; 1:1-3; 2:9-18; 5:6-10, 14; 7:16, 22, 24-26; 13:1, 8, 12-15.
3. Isip Pangulong Magbalantay, giatiman ni Cristo ang Iyang panon pinaagi sa mga anciano sa kaiglesiahan—1 Ped. 5:4:
 - a. Kon wala ang pagpangatiman sa mga anciano, dili matukod ang iglesia—v. 2.
 - b. Ang pagpangatiman sa mga anciano pagpangatiman gyod ni Cristo pinaagi nila.
4. Isip Magbalantay sa atong mga kalag, naglantaw ang pneumaticong Cristo sa kahintang nato sa sulod, nagtagad sa sitwasyon sa pagkatawo nato sa sulod—2:25:
 - a. Giatiman ta Niya sa pagtagad Niya sa kaayohan sa atong kalag ug sa paglantaw Niya sa kahintang sa pagkatawo nato sa sulod.
 - b. Kay kuti man kaayo ang atong kalag, nagkinahanglan ta ni Cristo, nga Espiritung taghatag-og-kinabuhi nga naa sa atong espiritu, nga mangatiman nato sa atong kalag, mangatiman sa atong salabotan, pagbati, ug pagbuot ug sa atong mga problema, mga panginahanglan, ug mga samad.
 - c. Isip Magbalantay sa atong mga kalag, gipahiuli ug gipapahulay sa Ginoo ang atong kalag—Sal. 23:3; Mat. 11:28-30.
5. Sa umalabot nga eternidad si Cristo ang walay kataposang Magbalantay nato nga mogiya nato sa mga tubod sa mga tubig sa kinabuhi—Bug. 7:16-17:
 - a. Isip walay kataposang Magbalantay nato, dad-on ta ni Cristo ngadto Niya nga mga tubod sa mga tubig sa kinabuhi aron makapahimulos ta sa walay kataposang pagpaambit sa Tulo-usang Dios—v. 17.
 - b. Isangkap ang mga tubig sa kinabuhi, ug pahiran ang tubig sa mga luha—v. 17.
 - c. Diha sa pagpangatiman ni Cristo sa eternidad, wala nay mga luha, kagutom, ug kauhaw—pagpahimulos ra—vv. 16-17.

III. Sa langitnong pagpangalagad ni Ginoong Jesus gipadayon Niya ang pagpangatiman nga gisugdan Niya sa yutan-ong pagpangalagad Niya—Heb. 13:20-21:

Mensahe 11 (sumpay)

- A. Sa Juan 21:15-17 gitahasan sa Ginoo si Pedro sa pagpakaon sa Iyang mga nating karnero ug pag-atiman sa Iyang mga karnero kon wala na Siya, sa naa na Siya sa mga langit; pagtagik kini sa pagpangalagad sa mga apostol sa langitnong pagpangalagad ni Cristo sa pag-atiman sa panon sa Dios:
 - 1. Gibuhat sa mga apostol dinhi sa yuta ang gibuhat Niya sa mga langit aron matuman ang langitnong pagpangalagad Niya—Heb. 13:20-21; Juan 21:15-17.
 - 2. Kalabot sa pagpangatiman, nibulig ang pagpangalagad sa mga apostol sa langitnong pagpangalagad ni Cristo—vv. 15-17.
- B. Sumbanan si apostol Pablo sa pagpangatiman sa mga balaan nga nibulig sa pagpangatiman ni Cristo sa langitnong pagpangalagad Niya—Heb. 13:20-21; 7:25-26; 1 Tim. 1:16; 2 Cor. 1:3-4; Buh. 20:20:
 - 1. Giatiman ni Pablo ang mga balaan ingog inahang nagpasuso ug amahang nanambag—1 Tes. 2:7-8, 11-12.
 - 2. Giatiman ni Pablo ang mga balaan sa Efeso sa pagpanudlo kanila “atubangan sa katawhan ug sa balaybalay” (Buh. 20:20) ug sa pagtambag sa matag usa kanila uban sa mga luha bisan sa tulo ka tuig (vv. 31, 19), nagpahayag sa laraw sa Dios kanilang tanan (v. 27).
 - 3. Gipadako ang kasingkasing ni Pablo aron maanaay suod nga pagtagad sa nangalagad nga kinabuhi—2 Cor. 7:2-3; 1 Tes. 2:8; Fil. 2:19-20.
 - 4. Nanaog si Pablo sa kahimtang sa mga maluyahon aron mabatonan niya sila—2 Cor. 11:28-29; 1 Cor. 9:22; itandi sa Mat. 12:20.
 - 5. Isip tawong nahigugma sa iglesia nga nausa ni Cristo nga nahigugma-sa-iglesia, andam si Pablo nga mogasto sa naa niya, nga nagpasabot sa iyang katigayonan, ug mogasto sa pagkamao niya, nga nagpasabot sa iyang pagkatawo, tungod ug alang sa mga balaan aron matukod ang Lawas ni Cristo—Efe. 5:25; 2 Cor. 12:15; 11:28-29.

IV. Ang mga nangatiman sa panon sa Dios mangatiman gyod sumala sa Dios—1 Ped. 5:2:

- A. Ang pagpangatiman sumala sa Dios pagpangatiman nga uyon sa pagkamao sa Dios diha sa mga kaayo Niya—Rom. 9:15-16; 11:22, 33; Efe. 2:7; 1 Cor. 1:9; 2 Cor. 1:12.
- B. Ang pagpangatiman sumala sa Dios pagpangatiman nga sumala sa kinaiya, tinguha, paagi, ug himaya sa Dios, dili sumala sa gusto, interes, tuyo, ug disposisyon nato.
- C. Aron makapangatiman sumala sa Dios, kinahanglan mahimo tang Dios sa kinabuhi, kinaiya, pagpadayag, ug pagbuhat—Juan 1:12-13; 3:15; 2 Ped. 1:4:
 - 1. Mahimo gyod tang hulad ni Cristo, nga pagpadayag sa Dios, aron magpadayag ta sa Dios sa pagpangatiman nato, dili sa kaugalingon ug sa disposisyon ug talagsaong mga taras niini—Juan 1:18; Heb. 1:3; 2:10; Rom. 8:29; Gal. 4:19.
 - 2. Mahimo gyod tang Dios sa pagbuhat Niya sa pagpangatiman sa panon sa Dios sumala sa Iyang pagkamao ug sumala sa Iyang tumong sa Iyang pamatigayon—Efe. 4:16; Bug. 21:2.
 - 3. Mause ngani ta sa Dios, mahimo tang Dios sa kinabuhi ug kinaiya ug Dios ta sa pagpangatiman nato sa uban—1 Juan 5:11-12; 2 Ped. 1:4; 1 Ped. 5:2.

V. Ang pagpangatiman nga makatukod sa Lawas ni Cristo pag-atimanay man sa usag usa—1 Cor. 12:23-26:

JEREMIAS UG LAMENTACIONES

Mensahe 11 (sumpay)

- A. Ang pag-atiman, malangkobon-sa-tanan ug malumo nga pag-atiman sa panon—Juan 21:15-17; Buh. 20:28.
- B. Nagkinahanglag pag-atiman ang tanang magtutuo, bisan unsa pang hugnaa sa espirituhanong pagtubo nila.
- C. Kinahanglan maanaa tang tanan sa organicong pagpangatiman ni Cristo ug mausa Niya nga mangatiman sa uban—1 Ped. 2:25; Juan 21:16.
- D. Mangatiman gyod ta sa panon sa Dios sumala sa mahigugmaon ug mapasayloong kasingkasing sa Amahan ug sumala sa mapangitaon ug maatimanong espiritu sa Anak—Luc. 15:4-24, 32.
- E. Mga karnero ug mga tig-atiman ta, nga nag-atimanay sa usag usa; pinaagi ning pag-atimanay sa usag usa, matukod sa Lawas ang iyang kaugalingon diha sa gugma—Efe. 4:16.